

ISOBANURAMPAMVU KU MUSHINGA W'ITEGEKO RIGENGA IMITUNGANYIRIZE Y'UBWITEGANYIRIZE BWA PANSIYO

IRIBURIRO

Politiki y'Ubwiteganyirize iteganya amashami atandukanye agize ubwiteganyirize, buri shami rikaba rigomba kugengwa n'Itegeko ryihariye. Ni muri urwo rwego rero hateguwe umushinga w'itegeko rigenga imitunganyirize y'ubwiteganyirize bwa pansiyiyo.

Uyu mushinga w'itegeko ugena ibya pansiyiyo cyane cyane ibiyigize, ibice byayo, abayicunga. Hiyongereyemo ibishya byinshi nk'imikorere ya pansiyiyo icungwa n'abikorera, ikigega cy'ukwizigamira kizaba gifasha abakirimo kwiteganyiriza ku macumbi ndetse n'ibijyanye no kwiga, kwemerwa gucunga ibigega bya pansiyiyo, abamerewe gukora umwuga ujyanye n'imirimo ijyanye na pansiyiyo, igenzurwa rikotwa n'ikigo gishyiraho amabwiriza (BNR) n'imitunganyirize y'imirimo ijyanye na pansiyiyo.

IMPAMVU

Nk'uko bigararagara mu bihugu byateye imbere mu bijyanye na pansiyiyo z'abakozi, ubwiteganyirize bugira uruhare runini mu iterambere n'imibereho myiza y'abagituye, cyane cyane ku bakozi bagiye muzabukuru.

Mu Rwanda, amategeko ariho kuri ubu yibandaga cyane kubyerekeye gukusanya no kwishyura abatanze imisanzu, ariko ugasanga habura guteza imbere imibereho myiza y'abatanga imisanzu.

Uyu mushinga w'itegeko ugamije gukemura icyo kibazo, ku bwizigamire bwizabukuru butegetswe busanzwe hariyongeramo ubundi buryo bwo kw'izigamira bw'ubushake bikorwa k'ubwumvikane bw'umukozi n'imukoresha n'ubwizigamire umuntu yakwikorera kugiti cye. Muri uyu mushinga hari kandi n'ibyerekeye ubwizigamire byaja bukorerwa mu kigega cy'ukwizigamire.

IBYZA BY' IRI ITEGEKO

- Guteza imbere imibereho myiza y'abanyagihugu;
- Guteza imbere umuco wo kuzigama n'ishoramari;
- Guteza imbere imyubakire y'amacumbi no gutuza aheza abizigamiye;

- Guteza inbere uburezi mu gihugu abakozi bizigamiye bashobora kwishyurira amashuri abana babo bitabagoye.

INGINGO Z'INGENZI Z'IRI TEGEKO

Uyu mushinga w'itegeko ureba ubwiteganyirize bwa pansiyi butegetswe n'ubw'ubushake, mu bw'ubushake tukaba tunasangamo ibijyanye na konti bwite y'umuntu yo kuzigamira izabukuru.

Ku ngingo zirebana n'ubwiteganyirize bwa pansiyi butegetswe, zirasa n'izari zisanzwe mu mategeko agenga pansiyi iriho kuri ubu, zigaragaza ibyerekeye itangwa ry'imisanzu, ibibagenerwa abizigamiye, ibyo bagomba kuzuza kugira ngo babibone.

Harimo kandi n'ikigega cyo kwizigamira kizaba gicungirwamo pansiyi y'inyongera ndetse n'imisanzu yo kuzigamira amacumbi no kuriha amashuri. Uyu mushinga w'itegeko urateganya ko ibyerekeye uburyo bwo kwiteganyiriza mu Kigega cyo kwizigamira n'ibyo uwiteganyirije ahabwa bigenwa n'Iteka rya Minisitiri ufite ubwiteganyirize mu nshingano ze

Ku byerekeye pansiyi y'ubushake, uyu mushinga w'itegeko uribanda ku bigomba kuzuzwa no kubahirizwa kugira ngo abayifitimo uruhare babashe gukora no gutera imbere ndetse n'ibyerekeye imitunganyirize y'ubwo bwiteganyirize.

Ubwiteganyirize bwa pansiyi y'ubushake bugizwe ku ruhande rumwe n'amasezerano akorwa hagati y'umukoresha n'umukozi yo kuzigamira umukozi izabukuru. Muri iyi pansiyi imisanzu atangwa kubwumvikane n'umukoresha n'umukozi. Mu rwego rw'ikigo ubu buryo butuma abakozi butuma abakozi bagira umurava mu kazi ndetse batava mu kigo kubera inyungu bategereje kuzabona baramutse bagiye mu zabukuru. Ku rundi ruhande, umuntu ku gite cye ashobora kwiteganyiriza kuri pansiyi y'ubushake afungura konti yizigamiramo ariko agamije kuzayahabwa mu kiruhuko cy'izabukuru.

Muri uyu mushinga w'itegeko hagaragaramo ikindi kintu gishya cyerekeye imicungire y'ibigega bya pansiyi n'abagira n'abatanga serivisi zayo bakanayicunga kugira ngo izakore mu buryo bugezweho kandi buyiteza imbere. Abo ni nk'abarinzi, intumwa, abacunga ishoramari, abatangira imisanzu abakozi. Aba rero kugira ngo bakore bakaba haribyo bazasabwa kuzuza n'inshingano bahabwa zerekanywe n'amategeko n'abagenga.

Harimo kandi n'ibyerekeye gutanga impushya ku bashaka gukora imirimo ijyanye na pansiyi, ubugenzuzi no gukurikirana imikorere y'abatanga serivisi mu byerekeye pansiyi.

Dore muri make ibyi ngenzi biri muri uyu mushinga w'itegeko:

Mu mutwe wa II wu yu mushinga w'itegeko hagaragamo ibijyanye na pansiyu itegetswe, abarebwa n'iyu pansiyu, ibiyigize, ibyo bagomba kuzuza ngo bayigireho uburenganzira. Harimo ibyerekeye imisanzu, ibigenerwa abageze mu zabukuru, abagiye mu zabukuru imburagihe, abafite ubumuga n'ibihabwa abazungura bariho.

Umutwe wa III werekeranye n'ubwiteganyirize bwa pansiyu y'ubushake hagaragamo ubwoko bwa pansiyu y'ubushake bugizwe n'ubwiteganyirize bwa pansiyu bushingiye ku kazi na Konti bwite yo kuzigamira izabukuru. Harimo ibijyanye n'uburenganzira ku bigenerwa abageze mu zabukuru, iyimurwa ry'imisanzu y'ubwiteganyirize bwa pansiyu, ibyerekeye Amafranga y'ingoboka mu ishami rya pansiyu, ibisabwa mu iyandikwa n'iyemererwa ry'ubwiteganyirize bwa pansiyu y'ubushake.

Hagaragamo kandi ibyerekeye iyemererwa ry'abatanga serivisi mu bwiteganyirize bwa pansiyu, inshingano z'umukoresha utanga imisanzu n'abatanga serivisi z'imurimo w'ubwiteganyirize

Mu mutwe wa IV werekeye ibintu rusange bijyanye na pansiyu aribyo:

- Ibisabwa kwitonderwa ku byerekeye ubwiteganyirize bwa pansiyu itegetswe n'iy'ubushake;
- Politiki y'ishoramari, amabwiriza y'ikigo gishyiraho amabwiriza kuri Politiki y'Ishoramari, ibitemewe mu ishoramari ry'ikigega;
- Ubwishingizi bw'ibigenerwa abageze mu zabukuru;
- Itangwa rya raporo n'imenyekanisha ry'ibisabwa ku bwiteganyirize bwa pansiyu itegetswe ni y'ubushake;
- Raporo z'ubugenzuzi ni z'abahanga mu mibare y'ubwiteganyirize
- Gushyiraho umugenzuzi cyangwa umuhanga mu mibare y'ubwiteganyirize
- Ubugenzuzi ku kigega cya pansiyu
- Ububasha bw'ubugenzuzi
- Ibyerekeye umusoro